

PAS TESTIT TË SYVE JENI REFERUAR TEK MJEKU I SYVE... ÇFARË NDODH?

Fëmija bëri testin e syve. Rezultati i testit nuk doli brenda vlerave të pritura. Fëmija u referua tek mjeku i syve për kontroll të mëtejshëm.

Për këtë arsye ju ofrojmë informata të mëtejshme për tu informuar se çfarë nënkupton kjo dhe çfarë mund të prisni.



QËLLIMI DHE DOBIA E TESTIT TË SYVE

Testi i syve është një test që kontrollon faktorët më të shumtë që shkaktojnë syrin dembel dhe që gjurmon disa anomali serioze të syve. Ndërkohe ne dimë se nëse diçka e tillë shihet dhe trajtohet në kohë, mund të parandalohet që fëmija të zhvillojë syrin dembel. Syri dembel' (në zhargon mjekësor quhet 'ambliopi') është fuqi e dobët e të parit në njërin sy. Kjo shkaktohet për shkak se ky sy nuk ka arritur të zhvillohet normalisht në fëmijëri.

PSE DUHET TË SHKOHET TEK MJEKU I SYVE?

Testi i syve që zhvillohet tek' Kind en Gezin' nuk është e njëjta gjë si kontrolli i syve tek mjeku i syve. Një rezultat i pazakontë nënkupton se fëmija ka një rrezik më të lartë për të zhvilluar syrin dembel. Kjo do të thotë se testi që bëhet tek Kind en Gezin nuk tregon asgjë për natyrën apo shkallën e një devijim të mundshëm të syrit. Për këtë arsye është i nevojshëm kontroll i mëtejshëm tek mjeku i syve. Ndodh që fëmija të referohet tek mjeku i syve por ai nuk gjen asnjë problem. Testi i syve është një moment i caktuar në kohë dhe sytë e fëmijës janë në zhvillim e sipër.

TEK MJEKU I SYVE

Për të pasur një takim sa më të mirë tek mjeku i syve mund të japim rekomandimet e mëposhtme:

- Kur bëni takimin përmendni faktin se fëmija është referuar pas testit të syve tek 'Kind en Gezin'.
- Ndodh që duhen muaj para se të caktohet konsultë tek mjeku i syve. Nuk ka nevojë të shqetësohesh për këtë gjë. Kontrolli nuk është urgjent, por është me rëndësi që të bëhet.
- Lëre takimin në një moment kur ti vetë ke kohë të mjaftueshme në dispozicion dhe kur mund të gjesh ku mund t'i lesh fëmijët e tjerë. Nëse fëmija dhe prindërit janë të qetë kjo e thjeshtëson kontrollin.
- Merr diçka për të ngrënë me vete për fëmijën, nëse e merr uria në sallën e pritjes apo gjatë konsultimit.
- Mjeku i syve do të bëjë disa teste për të cilat duhet të hedhë disa pika në sy. Pas pikave në sy duhet të prisni pak derisa të mund të bëhet testi.
- Pas kontrollit mjeku i syve vendos nëse ka nevojë për trajtim apo jo. Tek fëmijë të vegjël, kur sytë janë në zhvillim e sipër, ndonjëherë duhet të pritët para se të fillohet me trajtim. Është e rëndësishme që sytë të kontrollohen dhe të ndiqen vazhdimisht.

